

քուերորդի թագաւորին, որ իշխան եկաց ծովեզերեայ քաղաքացն, զորոյ անուն կոչեն Արարացիք Քանփահրի: Էին անդ և իշխանաւորք Լատինաց Հանկրի, Պալեան, և այլք, որք եւ ձեռս ետուն Սուլթանին 'ի հաչտութիւն: Իսկ 'ի կողմանէ այլազեայ երգուան Մէլիք Ատիլ եզբայր Սուլթանին: Մէլիք Աֆտալ և Մէլիք Չահր որդիք նորին, և այլք յիշխանացն, և հոչակեցաւ լուր հաչտութեան յամենայն տեղիս 'ի ձեռն մունետկաց յուրախութիւն ժողովըրդոց (1191 'ի 1 Սեպտեմբերի): Զիջաւ Սուլթանն յազանա Հուպերտ եպիսկոպոսին Սալիզպուրի, զի 2 քահանայք և 2 սարկաւազունք Լատինաց բնակեցին 'ի տաճարն Ս. Յարութեան: Դարձ արար Սուլթանն յերուսաղէմ և 'ի զլուիս հանեալ կատարեաց զչինութիւն սրարսի նորին: Ելին նաև ոմանք 'ի Լատինաց եւ երկիրապալին Գերեզմանի Տեառն, որոյ վասն մղեալ էին զայնչափ պատերազմունս: Իսկ թագաւորն Անդղիոյ յանձն արարեալ զծովեզերեայ քաղաքսն քուերորդւոյ իւրոյ, զարձաւ յերուսալ, և փակեցաւ յաշտարակի միում յաշխարհին Գերմանիոյ:

Ի սին ժամանակի վախճանեցաւ Տ. Արրահամ Արքեպիսկոպոսն և Պատրիարքն Ս. Երուսաղէմի՝ եւ թազեցաւ 'ի գաւթի տաճարին Ս. Յակոբայ, ուր երեւի ցարդ արձանագրեալ տասանաքար նորին (1192): Եւ յաջորդեաց զթոռն Տ. Մինաս Արքեպիսկոպոսն: Սա դտաւ ընդ այլ եպիսկոպոսունս 'ի հանգիսի օման Լեւոն Ա. թագաւորին Հայոց 'ի Տարսոն Կիւրիկեցւոց (1198):

Սալահատին կարգեաց քաղաքապետ Երուսաղէմի, և զեկեզեցին, յանուն Ս. Աստուածածնի, որ օթեւան էր Տաճարական ասպետաց, մերձ 'ի տաճարն Ս. Յարութեան՝ յարեւելից հարաւոյ, արար հիւանդանոց այլազեաց, և ինքն մեկնեցաւ 'ի Պէրութ, ուր եկն յողջոյն Լատին իշխանն Անտիոքայ, և ընդ նմա էին ևս ասպետք Սուլթանն սիրով ընկալեալ զնոսա՝ զգեցոյց նոցա հանգերձ պատուոյ: Եւ 'ի հասանիլն 'ի Դամասկոս զայրացաւ ախտ հիւանդութեան իւրոյ և անկաւ 'ի մահիձս, եւ կոչեալ առ ինքն զգահաժառանգ որդին իւր Մէլիք Աֆտալ՝ աւանդեաց նմա զվերջին իւր հայրական խրատս, պատկառ կալ